



REPUBLIKA E SHQIPËRISË
ENTI RREGULLATOR I ENERGJISË
BORDI

VENDIM

Nr. 127, Datë 16.08.2017

MBI

**FILLIMIN E PROCEDURËS PËR LIÇENSIMIN E SHOQËRISË ALBGAZ SH.A. NË
AKTIVITETIN E TRANSMETIMIT TË GAZIT NATYROR**

Në mbështetje të neneve 4, pika 50 dhe nenit 44, pika 2 germa "a" dhe nenit 35 të Ligjit nr. 102/2015 "Për Sektorin Gazit Natyror" si dhe neneve 4, pika 1, gërma "a"; nenit 5; nenit 8; nenit 9 pika 1, gërmat "a", "b", "c", "d", "e"; pika 2, gërma "a" dhe nenit 10, pikat 1 dhe 3 të "Rregullores për procedurat dhe afatet për dhënien, modifikimin, transferimin, rinovimin dhe heqjen e liçensave në sektorin e Gazit Natyror"; nenit 19 pika 1 gërma "a" të "Rregullores për Organizimin, Funksionimin dhe Procedurat e ERE-s", miratuar me Vendimin e Bordit Nr. 96, datë 17.06.2016, Bordi i Entit Rregullator të Energjisë (E.R.E), në mbledhjen e tij të datës 16.08.2017, mbasi shqyrtoi relacionin fillimin e procedurës për licencimin e shoqërisë "Albgaz" sh.a. në aktivitetin e transmetimit të gazit natyror, të përgatitur nga Drejtoria e Licencimit dhe Monitorimit të Tregut,

Konstatoi se:

Aplikimi i shoqërisë "Albgaz" sh.a., plotëson pjesërisht kërkesat e parashikuara nga ERE në "Rregulloren për procedurat dhe afatet për dhënien, modifikimin, transferimin, rinovimin dhe heqjen e liçensave në sektorin e gazit natyror", si më poshtë:

Formati dhe dokumentacioni për aplikim, është plotësuar nga aplikanti si më poshtë:

Neni 9, pika 1:

- gërma "a" (tipi i aplikimit) plotësuar;
- gërma "b" (informacion i përgjithshëm për aplikantin) plotësuar;
- gërma "c" (të dhënat mbi aplikantin) plotësuar;
- gërma "d" (Dokumentacioni ligjor, administrativ dhe pronësor), plotësuar si më poshtë:
 - pika "i" (Akti i rregjistrimit në QKB) plotësuar;
 - pika "ii" (Struktura organizative / lista e personelit) plotësuar;

- pika “iv“ (identiteti i të gjithë personave që kanë interes pronësor tek aplikanti më të madh dhe të barabartë me 5 %) pa plotësuar;
 - pika “v“ (Dokumentacioni që tregon titujt e pronësisë mbi asetet që ka...për të kryer funksionet ose plotësuar detyrimet nën licencën e kërkuar). Subjekti ka depozituar në ERE listën e aseteve në zbatim të urdhrin të ministrit të Zhvillimit Ekonomik, Turizmit, Tregtisë dhe Sipërmarjes nr. 550/1, datë 02.02.2016 që do të shërbejë për krijimin e Qendrës së Transmetimit dhe Shpërndarjes së Gazit si dhe disa certifikata pronësie për prona që i përkasin ende Albpetrolit dhe që pritet të regjistrohen në emer të “Albgaz” sh.a.
 - pika “vi“ (Lejet dhe autorizimet mjedisore) pa plotësuar.
- gërma “e” (Dokumentacioni dhe Garancitë Finaciare dhe Fiskale), plotësuar si më poshtë:
 - “i” (deklarime prej autoriteteve për pagesat e detyrimeve fiskale dhe sigurimeve shoqërore...) Subjekti ka depozituar në ERE vetëm vërtetimin e Drejtorisë së Përgjithshme të Tatimeve, i cili konfirmon se subjekti nuk ka detyrime tatimore deri në datë 19.07.2017. Mungon deklarata e sigurimeve shoqërore.
 - “ii” (bilancet financiare të audituara...për tre vitet e fundit) Duke qënë se viti financiar 2017, nuk është mbyllur ende, shoqëria Albgaz sh.a. nuk mund të depozitojë në këtë moment bilance financiare pranë ERE, duke qënë një shoqëri e krujuar para pak muajsh.
 - “v” (vërtetimi i kryerjes së pagesës ndaj ERE, tarifë aplikimi) Duke qënë se mbas vendimmarrjes së ERE-s nr. 97, datë 04.07.2017, “Për miratimin e Rregullores për procedurat e licencimit, modifikimit, transferimit ose heqjen e licencave në sektorin e gazit natyror”, është konstatuar një gabim material në aktin që i është bashkëlidhur këtij vendimi e dërguar në QBZ, ERE në bazë të nenit 112 të Kodit të Procedurave Administrative (Korrigjimi i gabimeve materiale në aktin administrativ), ka depozituar në QBZ kërkesën për të bërë zëvendësimin e tabelës së Aneksit A “Pagesa e regjistrimit dhe procedimit të një aplikimi”, duke shtuar në përmbajtjen e saj edhe pagesën e aplikimit për licencimin në aktivitetin e transmetimit të gazit natyror. Me botimin në Fletoren Zyrtare të këtij korrigjimi, do ti kërkohet subjektit Albgaz sh.a të kryejë pagesën përkatëse.
 - “vi” (plan biznesi...) Subjekti ka depozituar në ERE një program zhvillimi ekonomik për vitin 2017, në pritje të depozitimit të një Plan Biznesi.
 - “vii” (nëse aplikanti ka synim të përdorë një shoqëri menaxhimi për operacionet e tij ditore, duhet të këshillohet me ERE dhe të japë garanci performance për kryerjen me besueshmëri të veprimeve të kësaj shoqërie menaxhimi). Nuk është dhënë asnjë informacion për këtë nga shoqëria.

Dokumente specifike për llojin e licensës, është plotësuar nga aplikanti si më poshtë:

Neni 9 pika 2, gërma “a”:

Licensa për Transmetimin e Gazit Natyror;

a.1 Subjekti që aplikon për një licencë në transmetimin e gazit natyror, duhet që më parë të çertifikohet sipas procedurës së përcaktuar në nenin 37 të ligjit 102/2015 “Për Sektorin e Gazit Natyror”. Për këtë pikë vlen të theksojmë faktin se jemi ende në fazë pritje të opinionit të Sekretariatit të Komunitetit të Energjisë në lidhje me certifikimin paraprak të “Albgaz” nga ERE.

a.2 Informacion me të dhëna të përgjithshme dhe teknike të projektit që përfshijnë sa vijon:

- i. Vendndodhjen e instalimeve dhe gjurmën e tubacioneve përfshirë hartën Topografike për territorin ku do të ushtrojë aktivitetin. Pa plotësuar.
- ii. Kapacitetin maksimal teknik të kontraktuar dhe të disponueshëm në të gjitha pikat e hyrjes (in take) në Sistem dhe të daljes (off take) prej Sistemit dhe ndërlidhjet e tij me rrjete të tjera të Transmetimit dhe Shpërndarjes, impiantet e magazinimit, prodhimit dhe терминаlet e GNL. Pa plotësuar.
- iii. Volumet e projektuara ditore për tu përpunuar sipas vlerësimeve të Aplikantit. Pa plotësuar.
- iv. Standardet teknike, presionet maksimale të projektuara, kërkesat e komprimimit dhe karakteristikat e tjera teknike të makinerive dhe pajisjeve teknike që do të instalohen. Pa plotësuar.
- v. Presionet e punës të projektuara mbështetur në vlerësimet e Aplikantit. Pa plotësuar.
- vi. Kategoritë dhe lista e konsumatorëve si dhe livrimet e parashikuara. Pa plotësuar.
- vii. Vendndodhjet e matësve dhe specififikimet. Pa plotësuar.
- viii. Vendndodhjet e kontrollit të cilësisë së gazit. Pa plotësuar.
- ix. Dëshmi të kontratave/angazhimeve për transportin e gazit. Pa plotësuar.
- x. Kërkesat e pritshme për hyrje prej palëve të treta ose çdo kërkesë e pritshme për përjashtim nga e drejta për hyrje e palëve te treta, sikurse çdo vendim i dhënë më parë për përjashtim prej detyrimit të dhënies së të drejtës së hyrjes për infrastrukturat e reja sipas ligjit Nr. 102/2015 "Për Sektorin e Gazit Natyror", Pa plotësuar.
- xi. Lidhjet ndër-kufitare dhe parametrat e operimit në vendet fqinje. Pa plotësuar.
- xii. Marrëveshjet operationale të balancimit. Pa plotësuar.
- xiii. Burimi i synuar dhe procedura e prokurimit të gazit natyror të nevojshëm për balancimin e Sistemit të Transmetimit. Pa plotësuar.
- xiv. Aftësia për lëvizjen në kah të kundërt. Pa plotësuar.
- xv. Punët e Aplikantit për (a) zgjidhjen teknike të propozuar (b) vlerësimin e ndikimit mjedisor (c) vlerësimin e kostos (d) parashikimet ekonomike duke përfshirë mënyrat e financimit të cilat justifikojnë planin e biznesit për projektin e Transmetimit të gazit natyror të përgatitura nga një shoqëri e specializuar inxhinjerike . Pa plotësuar.
- xvi. Programin e punës për zbatimin e projektit dhe jeta e pritshme e projektit. Pa plotësuar.

- xvii. Planet vjetore të investimit për përmirësimin, zgjerimin ose modifikime të tjera të Sistemit të Transmetimit për një periudhë jo më pak se 5 vjet prej datës efektive të Licensës në përputhje me legjislacionin në fuqi. Pa plotësuar.
- xviii. Programi i parashikuar i mirëmbajtjes së Sistemit të Transmetimit. Pa plotësuar.

Për dokumentacionin e munguar, do të njoftohet subjekti që në bazë të Rregullores për procedurat dhe afatet për dhënien, modifikimin, transferimin, rinovimin dhe heqjen e licensave në sektorin e Gazit Natyror”, neni 10, pika 9 dhe neni 11, pika 1, ti paraqesë këto në ERE, brënda afateve.

Për gjithë sa më sipër, Bordi i ERE-s,

Vendosi:

1. Të fillojë procedurën për licencimin e shoqërisë “Albgaz” sh.a., në aktivitetin e Transmetimit të Gazit Natyror.
2. Procedura e nisur sipas pikës 1, të këtij vendimi do të mbyllet mbas marrjes së vendimit final të certifikimit të shoqërisë “Albgaz”sh.a. si Operator i Kombinuar.
3. Drejtoria e Licencimit dhe Monitorimit të Tregut, të njoftojë subjektin e interesuar për Vendimin e Bordit të ERE-s.

Ky vendim hyn në fuqi menjëherë.

Ky vendim botohet në Fletoren Zyrtare.

Ky vendim mund të ankimohet në Gjykatën Administrative Tiranë, brenda 30 ditëve kalendarike nga botimi në Fletoren Zyrtare.